



○八王子神社之碑
貴族院議員正三位勲四等侯爵

德川頼倫篆額

八王子祠所由来久矣文德朝平安僧妙行者歷涉海内名山後駐錫武藏多麻郡深澤山址結葺修行近旁士女慕其德来集者曰多妙行厭之避入山中而住焉老樹陰森鬼氣襲人每夜蘭風雷震谿谷山精木魅出没变幻或巨蟒盤繞開口欲啖妙行端然静座誦經不已一夜有神人自稱午頭天王率八子而斬蛇驅魍来天王則素盞鳴尊八子其五男三女也妙行相地于此建祠祭之稱八王子權現時延喜十六年三月也明年更營一字名蓮華藏院充權現別当天慶二年勅賜扁額及田若干号午頭山神護寺天正中北條氏照移居于此夙尚武勇崇祀以為鎮護神因以八王子名其城豐臣氏向關東也上杉前田兩將分兵来攻城陷祠亦罹兵燹元禄中有伊勢人鉄山無心者就遺址修築之自是祀典不絕云頃者元八王子有志等謂今茲當鎮座一千年悠久歲月所神呵護以迨今日乃欲植碑紀其德以余家曾宰于此地来請撰文按緣起書作焉之辭曰

維八王子 權現之祠 高僧創之 名将崇之

墜典茲萃 祭祀不衰 悠悠天地 靈德永輝

大正八年九月

伊豆萠山 江川英武 撰
南多摩郡長 内山由三郎 書